

ASUNTU NE'EBÉ PRESIZA TAU ATENSAUN

- ▶ PNTL na'in rua (2) hetan kanek wainhira halo atuasaun ba grupu KRM

PNTL na'in rua (2) hetan kanek wainhira halo atuasaun ba grupu Konsellu Revolusaun Maubere (KRM)

Rezolusaun Parlamentu Nasionál númeru 5/2014 iha dia 3 Marsu 2014 deklarala nu'udar grupu ilegais hanesan Konsellu Revolusaun Maubere (KRM), Conselhu Popular Demokrátiku – Repúblika Demokrátiku de Timor-Leste (CPD-RDTL). Bazeia ba rezolusaun ne'e, Polísia Nasionál Timor-Leste (PNTL) ezekuta orden hodi halo atuasaun ba grupu (KRM) iha akontonamentu grupu ilegál refere iha Aldeia Lalulai, Suku Sagadate, Subdistritu Laga, Distritu Baucau. Iha atuasaun ne'e PNTL na'in rua (2) hetan kanek tanba hetan atake ho bomba marotok no fatuk husi membru grupu ilegais ne'ebé mak lakohi atu rende no entrega farda ba PNTL. Polísia nafatin halo operasaun kontinua hodi buka membru grupu KRM. Maibé, grupu KRM konseje halai liu ba foho.

Totál Insidente fulan Marsu 2014	
Distritu	Insidente
Aileu	1
Ainaro	3
Baucau	4
Bobonaro	1
Covalima	3
Dili	9
Ermera	4
Lautem	2
Likisá	7
Manatuto	3
Manufahi	2
Oekusi	4
Vikeké	9
Totál	52

Iha dia 13 Marsu 2014 iha Fatuhada, Dili, Sr. Paulino Gama (alias Mauk Moruk) hanesan Prezidente Konsellu Revolusaun Maubere entrega-an ba PNTL. PNTL kaer Sr. Komandante Labarik hanesan Komandante grupu Bua Malus (ne'ebé involve mos iha grupu FALINTIL Baze de Apoiu [FBA]), hodi submete ba prosesu justisa. Iha dia 14 Marsu 2014, responsavel ba grupu CPD-RDTL. Sr. António Aitahan Matak, entrega-an ba Polísia. Iha dia 14 no 15 Marsu Tribunál Distritál Dili halo primeiru-interigatoriu ba lider grupu sira, no aplika medidas koasaun hanesan prizaun preventiva (hetan detidu) durante fulan 6 ba Sr. Mauk Moruk ho Komandante Labarik. Sr. António Aitahan Matak, Sr. Cornelio Gama alias L-7 no membru nain 11 seluk husi grupu CPD-RDTL hetan medidas koasaun nu'udar "kausaun" (atu hanesan multa) ho termus presiza apresenta an ho regular, la bele sai ba rai liur, no la bele mobiliza no halibur ema hodi enkontru, durante semana rua nia laran.


Liu tiha semana rua nia laran, grupu ne'ebé halai ba foho leten la entrega an no media publika katak grupu refere deskonfia lori armas, no deklarasaun Major Lere Anan Timur nian mos, hateten katak grupu ilegál deskonfia ho armas movimenta an iha foho Matebian.

Modelu aprosimasaun ba situsaun rai laran ne'ebé mak uza husi nasaun barak iha mundu tuir aspeitu juridika mak : ida aprosimasaun win lose solution ka aprosimasaun destrutivu iha ne'ebé parte ida uza poder hodi aprosima ho meius seguransa – militar hodi normaliza situasaun rai laran ida hodi garante estabilidade no seguransa rai laran.


Parte seluk, aprosimasaun ida ne'ebé públiku mehi mak aprosimasaun konsensuál. Ne'ebé sai hanesan preokupasaun ema hotu nian, no oinsá mak Governu ne'ebé iha podér bele hakbesik ba parte hotu, ativista polítiku sira, organizasaun polítiku sira hodi husu saida mak sai hanesan sira nia interese, hafoin governu bele halo analiza ba buat ne'ebé di'ak husi grupu hirak ne'e no sai referénsia ba apoiu hadi'a sistema ka polítika ne'ebé governu estabese. Parte seluk Governu mós bele apoiu grupu sira ne'e hodi sai hanesan forsa ida ba halo monitorizasaun no fo hanoin ba Governu kona-ba saida mak di'ak no la di'ak iha Governu hodi dezenvolve politika rai laran. Belun nia sujestaun iha futuru ba, Orgaun Soberanu, sosiedade sivil no comunidade bele akulturiza an ho aprosimasaun meius win win solution ka aprosimasaun konsensual nu'udar maneira ida ba hetan solusaun ba problema ruma ne'ebé mosu.

KARATERISTIKA INSIDENTE


Totál insidente ne'ebé reporta husi Marsu 2013 - Marsu 2014



Tipu violénsia




Fatin Insidente



Metode violénsia




Se mak hahu/halo violénsia?




Saida Mak Ema hahu violéncia nia Sexu




Se Mak Vitima Nia Sexu




Impaktu



Saida Mak Hun Abut Problema



Se Mak Responde



ATIVIDADE PREVENSAUN NO RESPONDE BA KONFLITU

Atividade ne'ebé implementa husi Belun koopera ho The Asia Foundation (TAF) – Peskiza Persepsaun Opiniaun Públiku datoluk (POP III)

- ▶ 4 – 6 Marsu: Belun no TAF fasilita treinamentu ba monitors subdistritu 43 no Kórdenador Distritu 13 hodi hala'o peskiza POP III iha Salaun Delta Nova- Comoro – Dili no Peskiza ne'e sei hala'o iha Aldeia 103, respondente 824 iha distritu 13;
- ▶ 25 – 27 Marsu: Jestor Programa AtReS, participa ToT kona-ba feto, Paz no Seguransa kona-ba rezolusauan 1325, iha JL Villa, Aimutin-Comoro. Partisipantes mai husi Organizaesun sosiedade sivil no Governu ne'ebé iha area servisu ligadu ho Prevenesun, Protesaun, Partisipasaun no Hari'i Paz/Promosaun. ToT ne'e apoiu no fasilita husi UN WOMEN.

Atividade ne'ebé hala'o husi ekipa Asaun Demokrasia no Dezenvolvimentu liuhusi Média no Hakbi'it (DAME)

- ▶ Treinamentu kona-ba hakerek proposta, mediasaun no lideransa ba Rede Prevenesun no Responde Konflitu (RPRK):
18 - 25 Marsu: (RPRK) Subdistritu Letefoho, Ermera no Hatolia (Distritu Ermera);
27 - 28 Marsu: RPRK Subdistritu Vera Cruz no Dom Aleixo. (Distritu Dili).

Atividade ne'ebé hala'o husi ekipa Mediasaun no Rezolusaun Disputa (MRD) halo mediasaun iha Diresaun Terras e Propriedades Distritu (DNTP) Dili ba disputa rai privadu;

- ▶ 6 Marsu: MRD fasilita mediasaun ba disputante na'in rua (2). Solusaun disputante sira deskorda no ekipa LMRD sei kontinua aprosima parte rua ba mediasaun segundu;
- ▶ 7 Marsu: MRD halo mediasaun ba disputante rua (2) iha Diresaun Terras e Propriedades Distritu (DNTP) Distritu Dili, mediasaun ne'e laiha solusaun no deside data ba mediasaun iha fulan Abril 2014 nia laran;
- ▶ 18 Marsu: MRD halo enkontru komunitária kona-ba mediasaun no rezolusaun disputa rai ba comunidade subdistritu Atauro no fatin iha Suku Beloi.
- ▶ 26 Marsu: MRD fasilita mediasaun ba disputantes na'in (6) iha Aldeia Obrato, Suku Sau, Subdistritu Manatuto. Mediasaun ne'e laiha solusaun no konitina ba mediasaun tuir mai iha fulan Abril nia laran;

Atividade ne'ebé mak halo husi Balibo Community Learning Center (CLC)

- ▶ 25 Marsu: Program manager, Balibo CLC akompaña vizita Ambassador Australia ba Timor-Leste ba Subdistritu Balibo. Objetivu husi vizita mak hodi haree direta progresu projetu Benteng Balibo/Kastelu Balibo ne'ebé konstrui dadauk husi kompañia Portuguesa ENSUL nomos Uma Balibo ho jestaun atividades husi parseiru ho Belun.

REKOMENDASAUN

Sua Excia Presidente República

- ▶ Kontinua apela ba PNTL no F-FDTL hodi hala'o atuasaun pasifiku ba grupu sira ne'ebé mak seidauk entrega an no entrega atributus sira;
- ▶ Fó apoiu ba sosiedade sivil ka ONG lokal sira ne'ebé servisu iha area prevenesun konflitu no harii Pás hodi bele halo peskiza klean kona-ba impaktu multi aspeitu husi rezolusaun número 5/2014 no número 8/2014, hodi bele sai referénsia ida ba desizaun hamosu rezolusaun tuir mai.

Parlamentu Nasionál Komisaun B

- ▶ Fó atensaun ba Governu atu bele rezolve situasaun seguransa rai laran ho meius aprosimsaun pasífiku, la'ós ho aprosimsaun uza forsa konjuntu hanesan liuhusi prezensa ho involvimentu F-FDTL;
- ▶ Hala'o supervizaun no fiskalizaesun ba implementasaun rezolusaun ba grupu iha terenu, liuliu iha area ne'ebé ho prezensa forsa PNTL no F-FDTL no ko'alia diretamentu ho comunidade kona-ba impaktu husi implementasaun rezolusaun. Atu akompaña di'ak comunidade nia hakarak iha moris ambiente Dame.

Polísia Nasionál Timor Leste (PNTL)

- ▶ Kontinua halo atuasaun no operasaun ba grupu sira ho aprosimsaun pasifiku no profesionál ho kumpri valores lei ho ordem.

Autoriedade Lokál

- ▶ Kontinua aprosima eis-membru grupu sira hodi kopera ho autoridade kompetente hanesan autoridade seguransa no fasilita reintegrasaun eis-membru grupu iha comunidade.

Rede Prevenesun no Responde Konflitu Subdistritu 43

- ▶ Halo planu asaun hodi fasilita diálogo no reintegrasaun eis-membru grupu ida-idak ba sira ida-idak ninia comunidade.

KONA-BA REVISTA SITUASAUN NE'E

Revista situasaun ne'e relata kona-ba asuntu xave relasiona ho insidente violénsia no tendénsia husi koleksaun dados monitorizasaun liuhusi Sistema Atensaun no Responde Sedu (AtReS) iha Timor-Leste durante Marsu 2014. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele karifika ka update dados ne'ebé ami iha liuhusi AtReS.

Marilia O. da Costa, Manajer programa AtRes: bylah.belun@gmail.com (+670 7727 6671)

Pedro de Araujo dos Santos, Oficial Política Publiku: pedroa.belun@gmail.com (+670 7700 1421)